

醫

方

論



醫方論卷二

小柴胡湯

柴胡

八兩

半夏

半升

人參

甘草

黃芩

生姜

三兩

大棗

十二枚

少陽爲半表半裡之經。邪在表者可汗。邪在裡者不可汗也。邪在表者可吐。邪在裡者不可吐也。邪在裡者可下。邪在表者不可下也。須知此之所謂半表半裡者。乃在陰陽交界。

之所陽經將盡。駿駿乎欲入太陰營衛不和。陰陽交戰。並非謂表裡受邪。若大柴胡可表。可下例也。仲景嘉惠後世。獨開和解一門。俾後人有所持循。不犯禁忌。蓋和者和其裡也。解者解其表也。和其裡則邪不得內犯陰經。解其表則邪仍從陽出。故不必用汗吐下之法。而陰陽不爭。表裡並解矣。小柴胡湯乃變大柴胡之法。而另出心裁。用人參以固本。又

用甘草姜棗以助脾胃。又用黃芩以清裡熱。使內地奠安。無復返顧之慮。我既深溝高壘。有不戰而屈人之勢。而又用柴胡以專散少陽之邪。用半夏消痰行氣以化逆。譬之自守已固。而又時出遊騎以蹴踏之。使之進無所得。退無所據。有不冰消瓦解者乎。此則仲景立方之微意。非通於神明者不能也。註中凡仲景所加減之方。皆精當不磨。有專治而無

通治此其所以可貴也。學者須細細參之。則於和解一門。思過半矣。

黃連湯

黃連

炒

乾姜

炒

桂枝

甘草

三兩

人參

二兩

半夏

半升

大棗

十二枚

變姜連瀉心之法而爲升降陰陽之法。寒熱並用。補散兼行。和法之最佳者。

黃芩湯

黃芩

三兩

芍藥

甘草

二兩

大棗

十二枚

古未有治下利之方。自仲景立此法。以調和腸胃爲主。後人踵事而增。藥味太多。失之龐雜者不免矣。

芍藥甘草湯

白芍藥

甘草

炙各四兩

不通則痛。腹中不和。氣逆而有濁陰。此但用甘酸化陰之法。而逆氣自消。亦高明柔克之

義也

括蕞薤白白酒湯

括蕞一枚薤白三兩白酒四觔

薤白通陽。括蕞散團結之氣。再加白酒以行氣血。自能消陰翳而開痺結。故不必用辛散耗血之品。以傷至高之元氣也。

溫胆散

陳皮去白半夏姜製茯苓 甘草 枳實炒竹茹

加姜煎

胆爲清靜之府。又氣血皆少之經。痰火擾之。則胆熱而諸病叢生矣。溫胆者。非因胆寒而與爲溫之也。正欲其溫而不熱。守其清靜之故。常方中用二陳竹茹。卽是此意。

逍遙散

柴胡

當歸

酒拌

白芍

酒炒

白朮

土炒

茯苓

錢一

甘草

炙五分

加煨姜薄荷煎

逍遙散。於調營扶土之中。用條達肝木。宣通胆氣之法。最爲解鬱之善劑。五臟惟肝爲最。剝而又於令爲春。於行爲木。具發生長養之機。一有拂鬱。則其性怒張。不可復制。且火旺則尅金。木旺則尅土。波及他臟。理固宜然。此於調養中。寓疎通條達之法。使之得遂。其性而諸病自安。加丹參香附二味。以調經更妙。蓋婦人多鬱故也。

六和湯

砂仁 藿香 厚樸 杏仁 半夏 扁豆
木瓜 人參 白朮 赤苓 甘草 姜棗
扁豆一味。古方多用之。以其有清暑利濕健
脾之功也。予以爲扁荳之性最劣。減去扁荳
人參二味更妙。

藿香正氣散

藿香 紫蘇 白芷 大腹皮 茯苓 三兩

白朮

土炒

陳皮

半夏麴

厚樸

姜製

桔梗

二兩

甘草

一兩

每服伍錢

辟穢祛邪。兼治瘴氣。由其芳烈之性。足以勝之。而又兼用化痰利濕之品。以顧脾胃。中州一和。則客邪自解矣。

三解湯

柴胡

麻黃

去節

澤瀉

各三錢

一日一作之瘧邪在衛。間日一作之瘧邪在

營。三陰大瘧則邪在臍。皆由先受熱後受寒所致。故陰陽交爭。內經之訓。昭然如揭。日月。後人紛紛聚訟。各出已見。反致拋荒經義。卽如此方。通治時瘧。究竟有損無益。

清脾飲

青皮

厚樸

醋炒

柴胡

黃芩

炒

半夏

姜製

茯苓

白朮

土炒

甘草

炙

草菓

加姜煎

瘧瘧一症。內經論之甚詳。從無一語及臟。可

見瘧邪。斷無入臟之理。巢氏病源妄爲分配。識者譏之。清脾飲。變小柴胡之製而用黃芩。蓋欲其清營分之熱邪。使之仍從衛出耳。並非病在脾經。清脾以治瘧也。

黃連阿膠丸

黃連

兩

茯苓

兩

阿膠

炒

一兩

爲末水熬阿膠爲

丸

黃連阿膠之法開於仲景。但阿膠一味所重。

者在井水。而不在鹽皮。因濟水伏流。惟阿井下通於濟。故有平肝滋腎之功。後來射利之徒。更將牛羊猪犬雜皮一概入膠。敗人脾胃。不如不用爲佳。

姜茶飲

生姜 陳細茶 每末約三錢濃煎服
此亦調和陰陽之法。病輕淺者可用。

蘆根湯

蘆根

一觔

竹茹

一觔

生姜

二兩

粳米

一合

此治熱鬱胃中。作嘔作吐則可。若云治寒冷傷胃。則予不敢深信。

陰陽水

沸湯

井水

各半

鍾和服

此法甚佳。極平淡。極神竒。屢用屢效之方也。

甘草黑豆湯

甘草

二兩

黑豆

半升

但稱解藥毒而已。非治之方也。

補中益氣湯

黃芪

蜜炙一錢五分

人參

甘草

炙一錢

白朮

土炒

陳皮

醋炙五分

當歸

五升分

柴胡

二分

姜三片

棗二枚煎

枚煎

氣也者人之所賴以生者也。大氣積於胸中。歸於丹田。呼出則由心達肺。吸入則由肝納腎。無一處不到。無一息或停。故宗氣爲一身

之王外護肌表。則爲衛氣。內統血脈。則爲營氣。散布於各臟腑。則爲各臟腑之氣。人能順而養之。則氣平而血亦和。尙何疾病之有。無如七情擾於中。六淫侵於外。斯百變叢生。而鬱氣逆氣。動氣滯氣。痞氣。燥氣。寒氣。痰氣。濕氣。水氣。種種氣病。指不勝屈矣。醫者當細心剖晰。對症施治。方免貽誤。汪認菴於理氣門中。首選補中益氣湯。誠以東垣辨內傷外感。